

朕惟虛薄何以享斯蓋此專由扶翼公卿臣連伴造國造等各盡丹誠奉遵制度之所致也是故始於公卿及百官等以清白意敬奉神祇並受休祥令榮天下又詔曰四方諸國郡等由天委付之故朕總臨而御寓今我親神祖之所知穴戶國中有此嘉瑞所以大赦天下改元白雉仍禁放鷹於穴戶境堦賜公卿大夫以下至于令史各有差於是褒美國司草壁連醜經授大山并大給祿復穴戶三年調役

〔扶桑略記五智〕七年五月日自常陸國進白雉并生角馬

〔日本書紀二十九天武〕二年三月壬寅備後國司獲白雉於龜石郡而貢乃當郡課役悉免仍大赦天下

〔扶桑略記五武〕十五年丙戌大倭國進赤雉仍七月改爲朱鳥元年

〔續日本紀六元明〕和銅六年十一月丙子但馬國獻白雉十二月乙巳近江國言慶雲見丹波國獻白雉仍曲赦二國

〔扶桑略記六正〕和銅八年○靈龜同月○九丹後國進白雉

〔續日本紀十三聖武〕天平十二年正月戊子朔飛驒國獻白狐白雉

〔續日本紀二十九稱德〕神護景雲二年六月癸巳武藏國獻白雉勅朕以虛薄謬奉洪基君臨四方子育萬類善政未洽每兢情於負重淳風或虧常駭念於馭奔於是武歲國橘樹郡人飛鳥部吉志五百國於同國久良郡獲白雉獻焉卽下群卿議之奏云雉者斯良臣一心忠貞之應白色乃聖朝重光照臨之符國號武藏既呈載武崇文之祥郡稱久良是明寶曆延長之表姓是吉志則標兆民子來之心名五百國固彰五方朝貢之驗朕對越嘉贊還愧寡德昔者隆周刑措越裳乃致豐碭○孝升平長門亦獻永言休徵固可施惠宜武藏國天平神護二年已往正稅未納皆悉免除又免久良郡今年田租三分之一又國司及久良郡司各叙位一級其獻雉人五百國宜授從八位下賜純十四綿廿屯布卅端正稅一千束

〔續日本紀三十稱德〕寶龜元年七月戊寅筑前國嘉麻郡人財部宇代獲白雉賜爵人二級稻五百束

〔續日本紀三十一光仁〕寶龜二年三月戊午朔太宰府獻白雉授守外從五位